

# Manmin nga mga Balita

NO. 56 AGOSTO 2, 2015

## Ang Pulong Gipamatud-an sa Ihanan nga Nahitabo!

### Ang Pastors' Seminar og Handkerchief Crusade sa Russia og Finland



Pag Hunyo, si Rev. Soojin Lee (Litrato 1) naghimo sa Pastors' Seminar og Handkerchief Crusades sa Russia og Finland. Litrato 2-5: Ang mga pastor og magtotoong nanambong naminaw sa pulong sa kinabuhi, nag eksperyensya sa gamhanang lihok og sila nabag-o gumikan sa gugma sa Dios. Litrato 6-7: Mga tigpasundayag sa Manmin og mga nanghimatuud sa Handkerchief crusades. Litrato 8-9: Ang miting sa Blessing Church sa Finland og ang Praise Festival.

Si Rev. Soojin Lee, presidente sa Pastor's Association, giimbata sa Finland og Russia sa lokal nga mga pastor didto og mga magtotoo, og naghimo sa Handkerchief-crusade og siminar sa mga pastor. Human sa 13 ka adlawng misyon nauli na siya niadtong Hunyo 13, 2015.

Pag Hunyo 19, niwali siya sa Pastors' Seminar didto sa St. Petersburg Manmin Church, Russia (Pastor Bladimir Osipov, Chairman sa United Holiness Church of Jesus Christ, Russia). Ang mga pastor gikan sa Estonia, Belarus, og layong dapit sa Russia nitambong sa seminar ubos sa tinguha sa grasya sa Dios. Naa gani ni byahe pa og 48 ka oras sa train.

Si praise-leader Rose Han, Vice President sa Performing Arts Committee, ni dayeg sa Dios didto sa Russia og ang Power Worship Dance Team ni pasundayag og nindot nga mga Russian-songs. Sa iyang mensahe, si Rev. Lee niwali sa tema nga ubos sa sermon ni Dr. Jaerock Lee "The Message of the

Cross" og iyang gipasabot ang rason nganong gibutang sa Dios ang kahoy sa kaalam sa maayo og daotan; ang probidensya sa Human Cultivation, og ang kwalipikasyon sa Manluluwas. Ang mga nanambong nakadawat og daghang grasya. Usa nila niingon, "nakahibaw nako sa pagkabalaan sa ebanghelyo gumikan ni Dr. Lee apan pinaagi ining maong siminar akong nahunahuna og unsaon pag gamit ini sa akong kinabuhi."

Pastor Maksim Tomassov, presidente sa TBN Baltia sa Estonia nitambong sad. Niingon nga siya nakadawat og mga panalangin sugod nga siya ni suporta sa Dr. Jaerock Lee's Estonia Crusade 2010 og ang mga manan-away sa GCN ganahan kaayo sa sermon ni Dr. Lee.

Hunyo 20, si Rev. Lee naghimo sa Handkerchief Crusade sa Theater Colosseum sentro sa St. Petersburg (Buhat 19:11-12). Ang lokal nga praise team nihalad og mga pagdayeg nga puno sa Espiritu og gi ablihan kini sa

mensahe ni Pastor Dmitri Polyakov nga maayo nag interpret sa sermon ni Dr. Lee niadtong Russia United Crusade 2003. Ang DVD nga "Power of God" gi presenta sad og ang tigpasundayag sa Manmin nanayaw og nanganta. Ang mga nanambong napuno sa grasya og kalayo sa Espiritu.

Unya si Rev. Lee niहतod sa mensahe nga espirituwal nga pagtoo og unodnong pagtoo. Human sa mensahe, nag ampo siya sa mga masakiton gamit ang panyo sa gahom og daghang nangaayo sa ilang mga sakit. Ang 88 anyos nga hanap na og panan-aw, nakakita og klaro og makaila na sad siya sa mga tawo. Iyang malipayong gipamatud-an ang iyang kaayohan.

Ang tawo nga paralisado sa walang bahin sa lawas naayo. Og naa say tawo nga gilabay ang iyang sungkod og nilakaw. Daghang nagpamatuud sa ilang kaayohan sama sa atritis, panakit sa likod, AIDS og uban pa.

Hunyo 13, sa dili pa ang siminar og

krusada sa Russia, ang mission team uban ni Rev. Lee nibisita sa Finland og naghimo og Praise Festival og Hankerchief Crusade. Ang lokal nga praise team og ang tigpasundayag sa Manmin nipasundayag. Unya si Rev. Lee niहतod sa mensahe nga "Why is Jesus Our Only Savior?" Human nag ampo siya sa mga masakiton, og ang tawo nga dili makalakaw tungod sa paralisadong bat-ang nakalakaw nga wala na mag sungkod. Naa pay daghang mga tawo nga dili makalakaw, apan nakalakaw. Ang uban naayo sad sa 'herniated lumbar discs', atritis og allergy.

Si Rev. Lee naghimo sad og miting sa Blessing Church sa Finland pag Hunyo 14 og sa Bread of Life Church sa Gatchina Russia. Naghatag kinig kalipay og kapuno sa mga miyembro.

Ang gamhanang lihok sa Dios og si Hesu Kristo na sangyaw og ang pulong gipamatud-an (Marcos 16:20). Himaya sa Dios.





Senyor Pastor Dr. Jaerock Lee

“Ayaw kamo kaibog sa balay sa laing tawo o sa iyang asawa o sa iyang mga ulipon o sa iyang mga baka o sa iyang mga asno o sa bisan unsa nga iyaha.”  
(Exodo 20:17)

# “Ayaw Kamo Kaibog sa Balay sa Laing Tawo”

Naay bisan magtotoo makahimo og sala tungod sa kahangol. Sama pananglitan sa panahon sa pag ilog sa Canaan. Si Acan nangawat og nanago sa ubang gold og silver. Tungod ini, ang tanan niyang pamilya og bisan gani ang iyang mga hayop nangamatay, apil bisan si Acan. Si Ananias og Sapira ni disisyong ibaligya ang ilang yuta og ihatag sa Ginoo, apan sa dihang ilang nagunitan ang kwarta giabot sila sa kahangol. Nga ilang gitagoan ang uban og ilang giingnan si Pedro nga mao ra ni kwarta. Niabot gyod nga sila namatay ubos sa tunglo sa Dios.

## 2. Ang tawong malamboon og kalag dili maibog

Bisan pag ang tawo nagmalipayon sa daghang butang, og bisan pag maiya ang tibuok kalibotan, unsa may pulus ini kon mawala ang iyang kinabuhi? Tugbang niana, bisan pag wala ta malipay sa tanang kanindot ining kalibotana, kon nagtoo ta sa Ginoo og naay tinuod nga kinabuhi, kita tinuod nga dato.

Sa Lucas 16 atong mabasa ang samingay sa ‘dato nga tawo og sa kabos.’ Ang dato perming hayahay matag adlaw, apan ang kabus nga si Lazarus perming mangayo sa dato og luoy kaayo ang iyang kinabuhi. Apan si Lazarus nagtoo og naay kahadlok sa Dios, apan ang dato wala. Unya nangamatay sila. Ang kabos nga Lazarus gisapnay sa anghel paingon sa kiliran ni Abraham, apan ang dato mikanaog didto sa Hades og nag antos sa kalayong walay pagka palong.

Kung tinuod tang naay pagtoo, bisan pag wala makadawat og grasya o anaa ba sa kalisdanan, dili ta mohunong sa malipayong pagpasalamat tungod kay atong na angkon ang kaluwasan. Dugang pa, kon atong kahadlok ang Dios og magpakabuhin sa Kahayag, atong madawat ang pinansyal nga mga panalangin tungod kay si Hesus, ang Ginoo sa tanang butang nilukat nato sa tumang kakabos. Og ang Dios sa gugma motubag sa pag ampo sa iyang mga anak kon mangayo pinaagi sa pagtoo.

Mabasa sa 3 Juan 1:2, “Mahal kong higala, nag ampo ko nga naa ka sa maayong kahimtang og maayong panglawas sa ingon nga maayo ka sa espirituhanong kinabuhi,” Sama sa giingon mo una gyod pag lambo ang atong kalag. Kon atong palayason ang sala og daotan ang atong kalag molambo, ang tanan nato magmaayo og malipay ta sa maayong panglawas dinhi sa kalibotan og ingon man magmalipayon ta sa himaya nga walay katapusan sa Langit. Mao ni ang Balaod sa espirituwal nga gingharian.

Ibutang ta nga ang tawong wala molambo ang kalag nakadawat og dakong kadato.

Mahimong motubo diha niya ang kahangol og mahimo ning sala. Niadtong naglisod pa siya, nagsalig siya sa Dios og nahigugma, og nagsulay nga magmaayo ang iyang Kristohanong kinabuhi sa dughan nga matinud-anon. Apan kay dato naman siya, dili na mag ampo kay bisi na, nagpalayo na sa Dios og nawili nasad sa kalibotan.

Tugbang ana, ang malamboong kalag dili maibog sa mga kalibotanhong butang. Bisan pag sila makaangkon og kadato og dunggog, dili sila magpasulabi sa kalibotanhong kaulag. Dili sila mag reklamo kon dili makaangkon og nindot nga butang dinhi sa kalibotan, hinuon, palabihon pa nilang mawala ang tanan bisan pa ang ilang kinabuhi para sa Dios.

Samtang matinud-anong nagtrabaho para sa gingharian sa Dios, si Apostol Pablo nag antos sa mga persikasyon, kagutom, tugyaw og uban pang kalisdanan. Apan kontento siya sa tanang sitwasyon og nagpasalamat sa Dios tungod kay siya perming puno sa kalipay sa pagdawat sa iyang kaluwasan og sa gugma sa Dios (Filipos 4:11-13).

## 3. Kinahanglan atong palayason ang kaibog og kahangol og mag ampo uban ang Espiritu Santo

Nagpasabot ba nga dili nato madawat ang mga tubag sa atong personal nga tinguha og mag antos ba diay gyod ta sa kalisdanan hangtod kita makaabot sa espiritu? Kon matinguhaon tang mangita sa matuud og mangayo sa atong gikinahanglan, ihatag sa Dios ang atong gipanginahanglan basi sa sukdanan sa atong pagtoo. Apan kon kita mangayo ubas sa kahangol, dili nato maangkon ang espirituwal nga pagtoong gikinahanglan aron kita igo nga makadawat sa tubag, og mao nga dili nato maangkon ang tubag.

Mabasa sa Santiago 4:2-3, “Gusto kamong manag iyag mga butang. Unya kay dili man ninyo maangkon buot kamong mopatay. May gikaibgan kamo pag-ayo apan wala ninyo kani makuha busa nakig bingkil og nakig away kamo. Wala kamo makabaton sa inyong gitinguha kay wala man kamo mangayo ini sa Dios. Og sa dihang nangayo kamo, wala kamo hatagi kay daotan man ang inyong tuyo. Nangayo kamo aron lang sa pagtagbaw sa inyong mga lawasong kaibog.” Sa giingon kon mangayo ta gumikan sa kahangol og kaibog, ang Dios dili mohatag nato.

Mao nga, kon mangayo ta, dili ta mag ampo sa tawhanong hunahuna, apan pinasubay sa kabubut-on sa Dios og sa Espiritu Santo. Ang Judas 1:20 nag ingon nga mag ampo ta diha sa Espiritu Santo, og sa Efeso 6:18 nag ingon, “Buhata kining tanan diha sa pag ampo og

pangayo kamo kanunay pinaagi sa Espiritu.” Tungod kay ang Espiritu nahibaw sa Dios (1 Corinto 1:20), kon kita mag ampo uban sa kadasig sa Espiritu, mahimuot ang Dios kay kini tugma sa kabubut-on sa Dios. Kon kita mag ampo sa Espiritu sama ini, atong dali nga madawat ang tubag sa atong pag ampo, ang atong espiritu molambo og atong dali nga madawat ang gitinguha sa atong dughan.

Ang pinaka importanteng butang sa pag ampo diha sa Espiritu Santo mao nga kita mag ampo sa tibuok dughan. Atong halaran ang Dios sa matinguhaon og matinud-anong pag ampo. Una natong pangayoon ang kusog. Atong pangayoon ang kusog sa pagtoo aron mabuntog ang kalibotan og aron maka daog sa pagpakig away batok sa demonyo, ato sad pangayoon ang katakus sa kaayohan sa mga sakit. Og mangayo sad ta sa kusog para maka ampo nga magiiniton, mabuhin sa Pulong sa Dios og aron makaangkon sa espirituhanong panghunahuna.

Kon mag ampo ta sa tibuok kasingkasing para sa espirituwal nga kusog, atong madawat ang kapuno sa Espiritu Santo og dali nalang iampo ang daghang mga butang, og bisan gani ang butang nga wala nato hunahuna nga iampo moabot nalang kini diha sa pag ampo nga sama sa baha sa tubig. Kon mag ampo ta nga sama ini, bisan pa og dugay natang naghilak, dili ta kapuyon, apan makaangkon hinuon og bag-ong kusog. Dali natong madawat ang tubag sa atong pag ampo og ang atong dughan mapuno sa Espiritu og kalipay.

Lain pang importanteng butang sa pag ampo diha sa Espiritu Santo, mao ang atong pag sangkap sa Pulong sa Dios. Kon ang Pulong sa Dios naa nato atong tino nga madawat ang kadasig sa Espiritu. Kon kita mamundo sa samang kainit sa pag ampo matag adlaw, ang kahangol og tanang matang sa sala og daotan molayas og atong maangkon ang pagtoo nga makadawat sa bisan unsang tubag.

Manghinaot ko nga imong palayason ang tanang kahangol para ining kalibotana, og makaangkon og paglaom para sa Langit, og mapuno sa pasalamat og kalipay. Og mag ampo sad ko sa ngalan sa Ginoo nga ikaw mangiinitong mag ampo diha sa Espiritu Santo aron daling mahimong balaan og mangayo sa mga butang pinasubay sa dughan sa Dios, aron imong madawat ang mga tubag sa tanang butang.

Mga kaigsoonan ni Kristo, ang Dios nihatang nato sa Napulo ka Sugo dili aron magka lisodlisod ta, apan aron kita mahatagan sa hingpit nga grasya sa lawas og espiritu. Manghinaot ko nga inyong mahunahuna ang gugma sa Dios og makadawat sa tanang grasya nga gisaad sa Dios nato.

## Ang Pag-angkon sa Pagtoo

1. “Manmin Central Church” nagatuo nga ang Bibliya mao ang gininhawang pulong sa Diyos, perpekto og walay sipat.
2. “Manmin Central Church” nagatuo sa panaghiusa’ng lihoc sa Diyos nga Trinidad: Diyos nga Balaang Amahan, Diyos nga Balaang Anak, og Diyos nga Balaang Espiritu Santo.
3. “Manmin Central Church” nagatuo nga kita mapasaylo sa atong mga kasal-
4. “Manmin Central Church” nagatuo sa pagkabanhaw og pagkayab ni Hesu Kristo, sa Iyang ika duhang pagbalik, panahon sa kalipay og ang Lanigt nga walay katapusan.
5. Mga Miyembro sa “Manmin Central Church” ni angkon sa ilang pagtoo diha sa “The Apostles’ Creed”, sila nagatuo sa unod sa mga pulong nahisulat niini.

“Ang Diyos mismo ang naghatag sa kinabuhi og ginhawa sa tawo og sa tanang butang” (Buhat 17:25).

“Ang kaluwasan makaplagan lamang diha kaniya kay dinhi sa kalibotan wala nay laing ngalan nga gihatag sa Diyos ngadto sa katawhan nga maoy makaluwas kanato” (Buhat 4:12).

**Manmin nga mga Balita**

Published by Manmin Central Church

Bisayan

29, Digital-ro 26-gil, Guro-gu, Seoul, Korea, 152-848  
Tel: 82-2-818-7047 Fax: 82-2-818-7048  
http://www.manmin.org/english / www.manminnews.com  
E-mail: manminen@manmin.kr  
Publisher: Dr. Jaerock Lee  
Managing Editor: Geumsun Vin

# Ang Lihok sa Kalag nga Iya sa Matuud

Ang tawo makahinumdom sa iyang nakita, nadungog og nakat-onan tungod kay siya naay kalag. Sa pag gamit sa kalag, ang mga anak sa Dios mogamit gyod ini pinasubay sa matuud, og aron mahimong tawo sa espiritu. Karon, unsa may atong buhaton aron ang atong kalag mahisubay sa matuud?

1

Atong ilhon ang tanang butang gamit ang matuud nga maoy sumbanan

Ang matag usa managlahi og kultura, balor og panghunahuna tungod kay nagdako man nga managlahi ang lugar gidak-an. Naay sakto para niya apan dili sa uban basi sa ilang konsensya. Ang sukdanan sa pagkamatarong ining kalibotana managlahi sigon sa panahon, lugar og kultura.

Unsa may tinuod nga sumbanan aron pag ila sa sakto og dili?

Ang mga magtotoo sa Dios kinahanglan mahibalo sa Pulong sa Dios og mangita sa matuud diha sa tanang butang. Maminaw gyod ta pag ayo sa matuud, magkat-on og mohimong espirituwal nga pan ini. Mobasa gyod ta sa Biblia og ilabay ang sayop nga sukdanan nga nakat-onan sa kalibotan. Ang ubang mga butang nga gi kosiderar sa tawo nga matuud tukma sa Biblia apan ang

kadaghanan dili sibo sa Biblia.

Pananglitan, ang mga tawo sa kalibotan naghunahuna nga sakto ang pag panimalus sa kaaway apan ang Dios niingon nato nga higugmaa bisan ang imong kaaway. Ang ubang ginikanan moingon sa ilang anak nga ingna wala ko kon naay mangita. Ang uban mogamit sa dili ilaha og dili gani mo ilis, o naa say mogamit sa dili ilang butang nga dili managhid. Baliwala lang ni nila. Apan basi sa Pulong sa Dios kining buhata kawat og bakak.

Kay nagkadaotan man ang panahon, ang katawhan mangita nalang para sa kaugalingong binipisyo og nag praktis sa mga bakak, apan wala lang masayod nga ang ilang gibuhay dili mao. Kini tungod kay sila mohusga og mo kondonar sa uban gamit ang kaugalingong basihan.

2

Atong pamation ang tanan diha sa matuud

Aron ang atong kalag magapamuhay lamang diha sa matuud, atong pamation ang tanan diha sa matuud. Kon unsay atong nabati karon nag depende na kon giunsa nato pagpamati sa pinasugdan.

Pananglitan, ang tawong naay kalag nga nagapamuhay sa bakak maghunahuna og sama ini; kon naa silay makita nga aktibo, moingon dayon, 'pakitang tao ra man na.' Unya dili dayon sila ganahan. Apan ang tawo nga ang kalag anaa sa matuud maghunahuna dayon, 'Kugihan kaayo na siya para sa Ginoo. Nindot kaayo.'

Mao nga kung makig uban gani ta sa uban, ato gyong hunahunaon og pamation ang maayo. Kung makatagbo ta og tawo nga lahi nato og personalidad og kultura, kon moingon ta nga 'dili ko ganahan nila', dili maayo ang atong pamati og mag pabilin kini. Apan kung ato silang sabton, og hunahunaon ang maayo, atong mabatonan ang maayong pamati ngadto nila.

Mao kana ang atong paghunahuna og pagpamati sa maayo sa tanang higayon. Aron makahimo ini, permi gyod natong tan-awon, paminawon og ibutang ang kamaayo diha nato.

Tinuod dili gyod kompleto natong maalihan ang atong kaugalingon sa mga daotang butang tungod kay naa may daghang bakak sa atong pagkinabuhi ining kalibotana. Apan maayo para nato kung dili nato tan-awon, paminawon og dili mobutang og daotang panumduman aron permi tang naa sa matuud. Kung dili nimo malikayan dawata nalang pinasubay sa matuud og kamaayo.

Pananglitan motan-aw og mapintas nga salida. Ang uban moingon, 'nindot.' Apan mahimo sad kang maghunahuna og maayo, 'makahimo man na og kadaot sa uban. Angay ta magbantay.' Kung naa kay gibutang nga dili maayo diha sa imong dughan, imo gyod nang usbon sa matuud og dili na maghunahuna pa.

3

Magpaubos gyod ta sa uban sa tanang panghitabo

Kung imong dawaton ang sitwasyon basi lang sa imong kaugalingong eksperyensya og panabot, ang kalag imo hinuong magiyahan sa pagkahimulag sa mata sa Dios. Unya imong pun-an og kuhaan ang naa sa imong hunahuna tungod sa gisulti sa uban. Kini maoy hinungdan sa paghusga, pagkondonar, dili pagsinabtanay, og bati nga paminaw.

Pananglitan naay moingon nimo, "Didto ko sa Mt. Kungang. Nindot kaayo nga kahilakon na gani ko." Ang uban makaingon, 'Nagpasabot ba nga nakakita lang siya og bukid hilak dayon? Iya man sad gipalabihan ang pagka sulti!' Maghunahuna sila ana tungod kay wala man sila makasulay nga natandog pag ayo sa nindot nga natural nga panan-awon.

Ato ingnon nga ang bana niuli gikan sa trabaho. Dili siya maayo og dili gani motubag sa pangutana sa asawa. Malain dayon ang asawa og maghunahuna, 'Nganong ingon ana man siya nako?' Apan mahimo gud unta siyang moingon nga, 'Kapoy lang tingali siya sa trabaho.' Mahimong mo sabot ang asawa og tabangan nalang ang bana. Sa laing bahin, kung ang bana maghunahuna sa asawa nga naghulat ni niya, dili sad siya ingon ato og kinaiya. Sa ingon ani nga

paagi, kon ang matag usa maghunahuna sa matuud og sa posisyon sa uban, ang kalinaw naa permi.

Kon atong makita ang sayop sa uban dili ta mohusga og maghunahuna nga, 'Nganong ingon ana man na siya?' Hinuon ato siyang sabton sa paghunahuna, 'Naa gyod nay rason nganong ingon ana.' Bisin pa og mawad-an ta tungod niya, atong hunahunaon ang iyang bahin og sabton. Pinaagi sa atong pagpasaylo sa sayop sa uban og sa pagkaluoy nila, atong mabatonan ang kalinaw ngadto sa tanan.

Tinuod, wala ni magpasabot nga atong tabonan ang sayop sa uban og moingon nga ang mga daotan maayo. Apan dili nato sila kasilagan o ibaliwala tungod sa ilang daotan. Kon ato silang sultian sa dili mao nga binuhatan, ato gyod silang pasabton pag ayo og tabangan nga ilang mahunahuna ang sayop. Naa gyod ang atong gugma sa tinguha nga molambo ang ilang kalag.

Usahay imong makita ang imong kaugalingon nga maglisod og lihok gamit ang kalag nga nahisubay sa matuud. Imo gyod susihon ang imong hunahuna, gibati, pulong og binuhaatan og hunahuna gyod ang matuud. Og kinahanglan imong madawat ang kusog gikan sa Dios pinaagi sa mainitong pag ampo.



# “Kami na Protektahan Niadtong Linog sa Nepal, Abril 2015”

Abril 25, 2015 ang kusog nga linog niigo sa Nepal sa gikusgon nga 7.8 uban sa mga aftershocks. Kato ang pinaka grabing kalamidad nga niigo sa Nepal sugod niadtong 1934. Daghan ang nangamatay og nangawad-an og mga butang. Ang Manmin Mission Center sa Nepal naa sa Lalitpur. Lugar kini nga daghan og mga tawo, og dilikado kaayo. Apan bisan pa, ang iyang 196 ka mga sanga og nakig ubang simbahan sila tanan na protektahan.



Abril 25, 2015 alas 11:56 sa buntag sa Sabado. Mag service mi og Sabado, mao nga didto mi sa simbahan. Ang mga miyembro manganaog aron mangaon inig human sa morning-service.

Wala pa ang 12 p.m, naglinog sa gikusgon nga 7.8 og nidugay ni og sobra sa usa ka oras. Kadaghanan sa mga miyembro nigawas sa dan. Akong gipang siguro ang mga miyembro didto sa 3rd flr. og sa 4th flr. nga mao ang nahimutangan sa opisina. Ang mga leder nag atiman sa mga nangahulog nga butang og sa ubang mga gamit.

Apan nagka kusog ang linog, mao nga ako uban sa mga leder nidawat dayon sa pag ampo ni Senyor Pastor Dr. Jaerock Lee nga gi-record sa Automated Response System. Naghinulsol dayon ko nga dili ko komportabl sa ubang mga miyembro, og mobasol sa ubang mga leder bisan ako ang ilang pastor. Akong nahunahuna nga mahimong kini ang kataposan sa akong kinabuhi, apan ako dayong nahunahuna ang akong mga miyembro. Dili ko malipay kung sila masakitan og naay problema.

Akong na dunggog ang mga miyembro didto sa dan nagtan-aw sa simbahan. Ang bilding nipis og taas kompara sa uban. Nagsusapinday. Dilikado na kaayong tan-awon. Naghilak sila sa pag ampo.

Pag 1 p.m., nag prayer miting mi imbis mag worship-service pag 2p.m. Nagsugod ko og pakisusi



Pastor Grace Lee, 41 anyos,  
Manmin Mission Center sa Nepal

sa mga butang nga angay nakong hinulsolan og ako ning gibasolan uban sa mga miyembro. Human sa miting, akong gipapauli ang mga miyembrong nangahadlok, unya ang ubang miyembro nga dili pa mamauli og ako didto sa cafeteria sa simbahan. Pag 5:45 p.m magsugod ang Daniel Prayer Meeting og nanulod mi sa bilding. Nitambong mi sa Special Daniel Prayer Meeting sa Manmin Central Church sa Seoul pinaagi sa GCN.

Pagsunod adlaw, Domingo, nahuman ang Special Daniel Prayer Meeting. Among nadawat ang aktuwal nga pag ampo sa Senyor Pastor pinaagi sa GCN. Nag ampo siya namo didto sa Mission

Center sa Nepal. Gani gisibya man to nga ang kusog nga linog moigo sa Nepal sa magnitude nga 9-12 og mobunuk ang uwan. Bisin ang pagdahili gisibya. Wala gyoy kasigurohan nga mabuhi.

Apan among nadawat ang pag ampo sa Senyor Pastor. Ang mga miyembro sa simbahan walay gyoy nakitang kadaot sa ilang mga panimalay. Bisin og ang tupad og kaatbang nga balay nanga guba, apan ang sa mga miyembro og bisin sa ilang mga kaliwat sa lain laing lugar na protektahan. Ang 196 ka sanga og nakig ubang simbahan gi protektahan sa Dios.

Ang Abril 2015 nga linog sa Nepal ni gun-ob sa mga lugar nahimutangan sa mga diosdios sama sa Hindu og Buddhist temples. Apan ang mga miyembro sa Manmin tanan protektado. Kahibulongan, og akong nabati ang dakong gugma sa Dios nga gustong moluwas sa mga kalag sa Nepal.

Atol sa maong katalagman, akong nakita ang daghang Nepalese nga naka eksperyensya sa kalit nga kamatayon. Wala nila mailhi ang Ginoo og nagsimba pa sa mga diosdios. Naluoy kaayo ko nila. Akong nahunahuna nga mahimo kong espirituwal nga mangugubat nga magwali sa balaang ebanghelyo og sa gahum sa Dios diri sa Nepal. Maningkamot ko aron daghan pang kalag ang maluwas.



## “Wala gyoy Nadaot sa Among Balay”

Susmita Silwal, 34 anyos

Atubangan sa among balay linaw og sa tunga naay nagbarog nga karaang Hindu temple. Makita gyod ni nako inig abli sa bintana. Pagbalik nako gikan sa Daniel Prayer Meeting, ang dakong templo nitidlom sa lanaw tungod kay giigo sa linog. Apan walay kadaot sa among balay, bisin ang mga botelya og panaksan diha sa butanganan. Kahibulongan!



## “Ang Hindu Temple Nahanaw, apan ang Akong Trabahoan Wala Maunsa”

Sanjaya Sakya, 26 anyos

Nagtrabaho ko sa fabric-shop, nga bongbong ra gyod ang nakauwang ini ngadto sa Hindu temple. Naay daghang templo sa lugar. Ang templo sunod sa akong trabahoan naigo sa linog og napukan. Apan ang akong trabahoan wala maunsa. Gitugot sa Dios nga akong ma eksperyensya ang gahum sa magbalantay. Dayegon ko ang Dios. Halleluyah!



## “Ang Balay sa Akong Ugangan nga Yutaon Nilungtad sa Linog”

Abigail Tamang, 37 anyos

Ang akong ugangan hapit mamatay kay niinom og hilo. Apan nabuhi human nga nakadawat sa pag ampo ni Dr. Lee. Nagpuyo siya sa karaan og may pagka yutaon nga balay. Pag linog, siya rang usa sa balay. Samtang ang tanang kabalayan nanga lumpag, ang iyang balay nga naay litrato ni Senyor Pastor wala maunsa og ang akong ugangan luwas.

### Mga Sangay ng Ministeryo ng Manmin sa Pilipinas

Manila Manmin Holiness Church	Bataan Manmin Holiness Church	Isabela Manmin Holiness Church	Cavite Manmin Holiness Church	Imus Manmin Holiness Church	Cebu Manmin Holiness Church	Davao Manmin Holiness Church
441 Potato St, J-Figuera Sampaloc, Manila, Pilipinas Pastor Jaebhong Uhm 2-735-1423	067 Daang Bago, Dinalupihan, Bataan, Pilipinas Pastor Jaebhong Uhm 2-735-1423	Purok 3, Brgy, San Roque, San Mateo, Isabela, Pilipinas Pastor Jaebhong Uhm 2-735-1423	5 Lot 33 Bk 1, Canutuhan (tenant), Santiago Gen.Trias, Cavite, Pilipinas Pastor Sharon Cho 046-850-3193 / 0916-674-3903 / 0905-319-8191	Blue Bell St. Plaridel III Sub. Bayan Luma 7, Imus Cavite, Pilipinas Pastor Jubeom Kim 0927-311-7633	LOT N. 402 - B-4 Looc Along Side The Canjulao Road, Lapu-Lapu City Cebu, Pilipinas Pastor Rossetta Sung 0921-635-7595	301 Ilang Ilang St. Flores Village, Bangkal, Davao City, Pilipinas Pastor Kathryn Kim 0908-635-2714